



15
1224

Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy,
Displaced Persons and Refugees

Broj: 13-04-24273-7.1/26
Sarajevo, 06.07.2026. godine

SKUPŠTINA KANTONA SARAJEVO ✓
Služba za skupštinske poslove
-ovdje-

KANTON SARAJEVO
Stručna služba Vlade
-ovdje-

PREDMET: Zastupnička inicijativa - odgovor, dostavlja se

Poštovani,

Zastupnice Jelena Pekić i Danijela Kristić su na 30. radnoj sjednici Skupštine Kantona Sarajevo, održanoj dana 05.05.2026. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovnikom Skupštine Kantona Sarajevo, uputile slijedeću zastupničku inicijativu:

"Inicijativa da se uspostavi kontinuiran program unapređenja prevencije nasilja nad ženama kroz masovnu edukaciju, samoodbranu i javne kampanje".

ODGOVOR:

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljena je navedena zastupnička inicijativa, koja je razmotrena u okviru Ministarstva, te su radi davanja cjelovitog odgovora zatražena izjašnjenja Javne ustanove „Kantonalni centar za socijalni rad“ i Kantonalne javne ustanove „Porodično savjetovalište“.

Iz dostavljenih izjašnjenja proizlazi da obje ustanove podržavaju aktivnosti usmjerene na prevenciju rodno zasnovanog nasilja i unapređenje zaštite žena, te ističu da prevencija nasilja zahtijeva kontinuiran, sistemski i multisektorski pristup koji podrazumijeva saradnju institucija socijalne zaštite, obrazovanja, zdravstva, policije, pravosuđa, organizacija civilnog društva i lokalne zajednice.

KJU „Porodično savjetovalište“ je navelo da u okviru svojih redovnih aktivnosti kontinuirano provodi programe primarne i selektivne prevencije koji doprinose razvoju zdravih obrazaca



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

ponašanja, jačanju porodičnih i partnerskih odnosa, unapređenju roditeljskih kompetencija, razvoju socioemocionalnih vještina i nenasilne komunikacije, kao i prevenciji različitih oblika nasilja. Pored preventivnih aktivnosti, Ustanova pruža savjetodavno-terapijsku podršku osobama sa iskustvom nasilja te aktivno učestvuje u radu Koordinacionog tijela za prevenciju, zaštitu i borbu protiv nasilja u porodici Kantona Sarajevo.

Prema izjašnjenju, JU „Kantonalni centar za socijalni rad“ u okviru svojih nadležnosti provodi aktivnosti savjetodavnog rada, pružanja psihosocijalne podrške žrtvama nasilja, procjene rizika, koordinacije sa drugim institucijama te provođenja mjera zaštite djece i porodice. Također je navedeno da bi organizovanje masovnih edukacija, praktičnih obuka samoodbrane i javnih kampanja moglo dati značajan doprinos podizanju svijesti, osnaživanju žena i preventivnom djelovanju, uz naglasak da odgovornost za sprečavanje nasilja mora ostati primarno usmjerena na počinioce nasilja i efikasan institucionalni sistem zaštite.

Ministarstvo za rad, socijalnu politiku, raseljena lica i izbjeglice Kantona Sarajevo u kontinuitetu djeluje na unapređenju sistema zaštite žrtava nasilja kroz multisektorski pristup koji se u Kantonu Sarajevo provodi putem Koordinacionog tijela za prevenciju, zaštitu i borbu protiv nasilja u porodici u Kantonu Sarajevo. Posebno ističemo da je Vlada Kantona Sarajevo u decembru 2023. godine donijela novi Protokol o radu i saradnji Koordinacionog tijela, čime je dodatno unaprijeđen sistem institucionalnog djelovanja, naročito kroz rad Operativnog tijela koje okuplja predstavnike nadležnih institucija i stručnjake koji neposredno rade sa žrtvama i počinioциma nasilja u porodici. Kroz rad ovih tijela kontinuirano se realizuju edukacije, stručna usavršavanja, preventivne aktivnosti i kampanje usmjerene na jačanje institucionalnog odgovora i podizanje svijesti javnosti o neprihvatljivosti svih oblika nasilja.

Također, JU „Kantonalni centar za socijalni rad“, KJU „Porodično savjetovalište“ i Ministarstvo kontinuirano sarađuju sa organizacijama civilnog društva koje djeluju u oblasti zaštite od nasilja u porodici, prepoznajući značaj multisektorskog pristupa u pružanju podrške žrtvama i realizaciji preventivnih aktivnosti.

Ministarstvo u potpunosti podržava aktivnosti usmjerene na unapređenje prevencije nasilja nad ženama i cijeni da su ciljevi predmetne inicijative u skladu sa opredjeljenjem za kontinuirano jačanje sistema zaštite od nasilja u porodici i rodno zasnovanog nasilja. Istovremeno, smatramo da realizacija ovakvih programa zahtijeva planski i dugoročan pristup, međuresornu koordinaciju, odgovarajuće finansijske i kadrovske kapacitete, kao i aktivno uključivanje svih relevantnih institucija i stručnjaka.

Na kraju, ostajemo čvrsto opredijeljeni daljem jačanju međuinstitucionalne saradnje, unapređenju sistema zaštite i razvoju preventivnih programa, kao i jačanju multisektorskog sistema podrške u Kantonu Sarajevo, u okviru svojih nadležnosti i raspoloživih kapaciteta, te stojimo na raspolaganju za sve dalje aktivnosti usmjerene na ove ciljeve.

Pripremila: Iman Čehić, stručna saradnica

Kontrolisali: Miralem Dedović, pomoćnik

Amira Gackić, sekretarka M

**PO OVLAŠTENJU PREMIJERA
MINISTRIČA**

Nalida Boal - Muminović

Dostaviti:

-Naslovu (2x),

-A/a.



Adresa: Reisa Džemaludina Čauševića 1, 71 000 Sarajevo

Tel: + 387(0)33 562-089, Fax: + 387(0)33 562-090

Web: <http://mrsri.ks.gov.ba>, E-mail: mrsri@mrsri.ks.gov.ba